



Komunikadu Imprensa

17 Marsu 2021

Aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu asisténsia no asesu ba tribunál: JSMP husu buka solusaun imediata

Iha situasaun serka sanitária no konfinamentu obrigatóriu husi governu hodi limita movimentu ka sirkulasaun ba atividade sira, JSMP nafatin fó asisténsia limitadu ba vítima sira violénsia bazeia ba jéneru.

Husi asisténsia limitadu durante situasaun implementasaun serka sanitária no konfinamentu obrigatóriu ne'e, JSMP deskobre katak kazu barak mak akontese liu-liu kazu violénsia bazeia ba jéneru. Hanesan iha Munisípiu Ermera (Gleno) vítima sira violénsia bezeia ba jéneru kontinua lori sira nia kazu ba keixa iha Polísia-VPU Ermera maibé Polísia sira rejista deit kazu ne'e no haruka vítima sira filafali ba uma no la refere ba fatin sira ne'ebé vítima sira presiza apoiu tuir sira nia kondisaun hanesan ba iha Pradet ka Uma Mahon tanba kumpre regra aplikasaun serka sanitária no konfinamentu obrigatóriu.

“JSMP konsidera katak importante tebes atu asegura direitu vítima violénsia bazeia ba jéneru liu-liu ba kazu sira hanesan violasaun seksuál, abuzu seksuál aktu seksuál ho adolexente no violénsia doméstika ne'ebé rekere prova ka evidénsia sira inklui asegura vítima sira nia direitu hodi hetan protesaun no seguransa, nune'e JSMP husu ba instituisaun relevante sira atu buka solusaun alternativa hodi hatan ba situasaun refere”, dehan Sra. Ana Paula Marçal, Diretora Ezekutiva JSMP.

Mezmu iha situasaun serka sanitária no konfinamentu obrigatóriu, maibé Lei Nú. 2/2021, 01 Marsu, kona-ba Autorizaçao da Renovação da Declaração do Estado de Emergência iha artigo 8 kona-ba asesu ba tribunál no mós Provedoria Direitus Umanus no Justisá¹ ne'ebé hateten katak iha situasaun serka sanitária no konfinamentu obrigatóriu

* Artigo 8 : Foro civil e acesso aos tribunais e ao Provedor de Direitos Humanos e Justiça

1. Os tribunais comuns mantêm-se no pleno exercício das suas competências e funções, cabendo-lhes, em especial, velar pela observância das normas constitucionais e legais que regem o estado de emergência.

instituisaun sira hanesan tribunál, ministériu públiku dan Provedoria Direitu Umanu no Justisa nafatin hala'o sira nia funsaun. Tanba ne'e tuir JSMP nia hanoin kazu sira hanesan ne'e prezisa kontinua fó prioridade maske nafatin kumpre regras serka sanitária no konfinamentu obrigatóriu.

Situasaun sira ne'ebé mensiona iha leten, JSMP hanoin no prezume katak bele mós akontese iha munisípiu sira seluk, tanba ne'e JSMP husu ba instituisaun relevante sira atu buka solusaun imediata hodi responde ba preokupasaun sira husi vítima violénsia bazeia ba jeneru ne'ebé durante implementasaun serka sanitária no konfinamentu obrigatóriu hasoru problema atu asesu ba serbisu assisténsia no asesu ba tribunál.

Atu hetan informasaun liutan bele kontaktu:

Ana Paula Marçal
Diretora Ezekutiva JSMP
Email: ana@jsmp.tl
Telefone: 77040735
Website: <https://jsmp.tl/>

2. Os cidadãos mantêm, na sua plenitude, o direito de acesso aos tribunais e ao Provedor de Direitos Humanos e Justiça, de acordo com a lei geral, para defesa dos seus direitos, liberdades e garantias lesados ou ameaçados de lesão por quaisquer providências inconstitucionais ou ilegais.